



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ԶԱՂԱՔԻ ԿԵՆՏՐՈՆ ՎԱՐՉԱԿԱՆ ՇՐՋԱՆԻ
ՂԵԿԱՎԱՐ**

ք. Երևան, Տերյան փող., 44, հին.՝ (+374 11) 518 401,
էլ. փոստ՝ kentrone@yerevan.am

07.07.2021թ.

№ 466-Ա

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

Երևանի Կենտրոն վարչական շրջանի ղեկավարի աշխատակազմի առևտրի և սպասարկումների բաժնի առաջատար մասնագետ Հ.Մարգարյանի կողմից 09.09.2020թ. կազմված 036057 վարչական իրավախախտման վերաբերյալ արձանագրության հիման վրա հարուցված վարչական վարույթում Երևան քաղաքի Կենտրոն վարչական շրջանի վարչական իրավախախտման վերաբերյալ գործեր քննելու վարչական տույժ նշանակելու համար նյութեր նախապատրաստող հանձնաժողովը /այսուհետ՝ Հանձնաժողով/, 07.07.2021թ. տեղի ունեցած նիստի ընթացքում քննեց 09.09.2020 կազմված թիվ 036057 արձանագրության մեջ նշված վարչական իրավախախտման վերաբերյալ գործը, որի համաձայն՝ «ԱԿՈՒՄԲ ՀԱՄԱԼԻՐ» ՍՊԸ-ի տնօրեն Ավարդ Մուսայեյանի կողմից 26.08.2020 թվականին Երևան քաղաքի Հրազդանի կիրճ թիվ 73 հասցեում գտնվող առանց համապատասխան թույլտվության իրականացվել է ոգելից խմիչքների իրացում:

Երևան քաղաքի Կենտրոն վարչական շրջանի ղեկավարի աշխատակազմում Երևանի Հրազդանի կիրճ 73 հասցեում ոգելից և ալկոհոլային խմիչքների վաճառքի թույլտվության համար տեղական տուրքի վճարները 2020-2021թթ. համար կատարվել են «ՍՈՆՏԵ-ՔՐԻՍՏՈ ԳՐՈՒՂ» ՍՊԸ-ի անվամբ, իսկ «ԱԿՈՒՄԲ ՀԱՄԱԼԻՐ» ՍՊԸ-ի անվամբ համապատասխան վճարում և թույլտվություն առկա չէ:

Գործի քննության ընթացքում Հանձնաժողովը, էական փաստական և իրավաբանական հանգամանքների հետազոտման արդյունքում պարզեց, որ <<ԱԿՈՒՄԲ ՀԱՄԱԼԻՐ>> ՍՊԸ-ի տնօրեն Ալվարո Մուսայելյանի կողմից կատարվել է վարչական իրավախախտումների վերաբերյալ օրենսգրքի /այսուհետ՝ Օրենսգիրք/ 169.16-րդ հոդվածի 1-ին մասով /առանց թույլտվության ոգելից խմիչքների և (կամ) ծխախոտի արտադրանքի վաճառք իրականացնելը, իսկ հանրային սենդի օբյեկտներում՝ ոգելից խմիչքների և (կամ) ծխախոտի արտադրանքի իրացում իրականացնելը/ նախատեսված վարչական իրավախախտումը:

Ելնելով վերոգրյալից և եիմք ընդունելով Հանձնաժողովի ուսումնասիրության արդյունքները և գործի քննության ընթացքում պարզված հանգամանքները, ղեկավարվելով Օրենսգրքի 23-րդ հոդվածի 1-ին մասով, 169.16-րդ հոդվածի 1-ին մասով, 219.1-րդ և 281-րդ հոդվածներով, Երևան քաղաքի ավագանու 07.05.2010թ. «Երևան քաղաքի վարչական շրջանների ղեկավարներին լիազորություններ պատվիրակելու մասին» թիվ 96-Ն որոշմամբ, «Վարչարարության հիմունքների և վարչական վարույթի մասին» օրենքի 59-րդ հոդվածի 2-րդ մասով,

Ո Ր Ո Շ ՈՒ Մ Ե Մ

1. <<ԱԿՈՒՄԲ ՀԱՄԱԼԻՐ>> ՍՊԸ-ի տնօրեն Ալվարո Մուսայելյանին Օրենսգրքի 169.16-րդ հոդվածի 1-ին մասով ենթարկել վարչական պատասխանատվության նշանակելով վարչական տույժ 20.000 /քսան հազար/ ՀՀ դրամի չափով:

2. Առաջարկել <<ԱԿՈՒՄԲ ՀԱՄԱԼԻՐ>> ՍՊԸ-ի տնօրեն Ալվարո Մուսայելյանին միջոցներ ձեռնարկել իրավախախտման պատճառները և պայմանները վերացնելու ուղղությամբ և Օրենսգրքի 305-րդ հոդվածի համաձայն 20.000 /քսան հազար/ ՀՀ դրամ տուգանքը վճարել սույն որոշումը ստանալու օրվանից ոչ ուշ, քան տասնհինգ օրվա ընթացքում՝ վճարում կատարելով կենտրոնական գանձապետարանի 900015213110 հաշվեհամարին: Օրենքով սահմանված ժամկետում տուգանքը չվճարելու դեպքում այն կարող է բռնագանձվել ՀՀ ԱՆ հարկադիր կատարումն ապահովող ծառայության միջոցով:

3. Կայացված որոշումը եռօրյա ժամկետում պատշաճ ձևով կուղարկվի <<ԱԿՈՒՄԲ ՀԱՄԱԼԻՐ>> ՍՊԸ-ի տնօրեն Ալվարդ Մուսայեյանին :

4. Որոշումը կարող է բողոքարկվել վերադատության կամ դատական կարգով /ՀՀ վարչական դատարան/ որոշումն ուժի մեջ մտնելուց հետո երկու ամսվա ընթացքում:



ԱԼԵՏ ՊՈՂՈՍՅԱՆ